

日本史綱卷下目錄

第五期 自鎌倉幕府滅亡至江戶幕府創立

第十七章 南北朝時代

第十八章 室町幕府專權時代

第十九章 羣雄割據時代

第二十章 豐氏專權時代

第二十一章 第五期間風俗及士氣

第六期 自江戶幕府創立至其滅亡

第二十二章 德川氏專權時代初期

第二十三章 德川氏專權時代中期

第二十四章 德川氏專權時代末期

第二十五章 第六期間風俗附諸侯勳從體制

第七期 自明治維新至近代

第二十六章 明治維新

日本史綱卷下

第五期 自鎌倉幕府滅亡至江戶幕府創立

第十七章 南北朝時代自後醍醐帝回鑾至南北朝混一

第九十代 後醍醐帝自一千九百九十三年元弘三年六月七日帝回鑾幸京

師親裁萬幾天下混一翌年改元建武由是世稱建武中興

中興之政 平定鎌倉幕府得將士力多中興之政非收拾將士之心不可

時朝廷賞罰失當有功將士往往缺賞後宮嬪女反叨恩遇故武士友心功

臣歛望且士大夫以政歸朝廷恆輕武將武將遂亦炫赫功績而輕文臣互

相傾軋既結兵連官民財產侵掠無算事後訴屈於官於是裁判所及雜訴

決斷所案牘蝟集復以帝厭裁政日耽宴遊藤原藤房既免歸士民故老多

有追慕鎌倉幕府之盛軌者

護國親王遇害 足利尊氏源義家裔也聲望素著東國帝寵眷之推為武

勳第一尊氏勢日盛欲相機握天下權征夷大將軍護良親王謀敗王思除

之尊氏亦忌王威望嗾帝寵姬廉子譖王帝執幽之復流鎌倉時成良親王

鎮鎌倉尊氏弟直義為副幽護良親王於土室建武二年高時遣子北條時
行肇亂攻鎌倉直義戰敗棄土遁去懼護良親王竊逃使淵邊義博戕之時

建武二年也一千九百九十五年

尊氏謀叛 尊氏素蓄叛志會直義敗走自請率師討時行師既頌又以封
征夷大將軍為請帝拒之尊氏不悅他徙東國日懷怨望嘗謂身雖武夫固
源氏後也非繼述先志不可爰與直義合兵破時行據鎌倉僭稱征夷大將
軍時武將中聲勢與尊氏敵者為新田義貞義貞亦源義家裔尊氏懼貞賊
名為後世議乃上書數義貞罪請討之義貞亦以尊氏叛謀白於上帝偵得
其情令義貞討之義貞弟脇屋義助奉尊良親王東下破賊軍義貞由箱根
義助由竹下進發鎌倉竹下叛兵有為賊謀告者官軍戰北引還京師尊氏
使子義銓守鎌倉自與直義共追官軍於京師義貞義助正成長年等分兵
防守官軍失利帝奉神器幸叡山京師陷陸奧守北畠顯家奉義良親王幸
陸奧兵躡賊軍後與正成義貞等合兵攻尊氏尊氏敗走九州帝還京師時

延元元年一千九百九十六年

正成殉難 尊氏集九州兵率戰艦七百餘艘西上途次請於光嚴院得院
宣大喜樹錦旗長驅直抵鞆津直義引步騎二十萬由陸路進尊氏由海路
入兵庫義貞時困赤松則村於白旗城聞變退守兵庫防尊氏帝召正成使
援義貞正成獻策請帝再幸叡山帝弗聽正成志遂決以後事屬其子正行
率步兵七百餘人駐湊川以當直義大兵血戰十六合身被十餘創以力盡
自殺義貞亦將二萬五千餘衆駐和田岬防尊氏卒敗績帝再幸叡山尊氏
復陷京師

南北朝分立 尊氏既入京師擁立光嚴院弟豐仁親王是為光明院然以
未得傳國神器終屬偽朝尊氏思據神器奉光明院為正統因上書叡山偽
降帝從其請將回鑾義貞伏輦泣諫帝弗納使奉皇太子恒良親王及尊長
親王赴北陸道糾合義兵帝還京師尊氏果幽帝花山院逼帝授神器於元
明院帝陽許之而陰以偽器代乘間逸出幸吉野建行宮自是吉野稱南朝
京師稱北朝

義貞戰死 延元二年九月十七日義貞奉皇太子及尊長親王據越前金崎

城足利高經來攻義貞擊退之會義貞義助赴山名集義故高經復引大
兵至攻擊奮勇糧盡城陷尊良親王暨守留諸將皆自殺皇太子被捕至京
亦為賊鴆亡延元三年一千九百九十八年義貞義助等攻高經於藤島寨義貞中流
矢死北畠顯家與賊將高師直戰於安倍野亦敗績顯家陣歿南朝勢力益
不振

帝崩行在 延元四年一千九百九十九年八月帝在行在病篤立義良親王為皇太
子尋禪位帝臨終以逆賊未殄滅為憾勉太子力圖恢復右手按劍左手執
法華經長歎而崩

第九十七代後村上自二千零二年至二千零八年者後醍醐帝子即義良親王也

正行戰死 南朝勢雖衰然北畠親房及四條隆資能盡輔弼之任楠木正
行護衛行在亦屢出奇計大破賊軍時奧州有北畠氏東國有新田氏西海
有蒯池氏南海有土居得能二氏皆憤北朝之僭正平三年一千零二年正行率
一秩郎等邀擊賊將高師直大軍於四條畷以眾寡不敵卒戰死時人惜之
北朝內亂 北朝貞和四年一千零二年南朝正平三年一千零三年光明院禪位崇光院翌

年尊氏次子基氏任關東管領鎮東國是時北朝將士爭權內亂不絕高師直以軍功著為尊氏所信任威權赫奕直義惡之欲除師直師直覺與弟師泰率兵逼尊氏黜直義直義偕桃井直常高山國清等降南朝未幾直義餘黨殺師直兄弟直義與尊氏和好如初既復失和直義走據鎌倉尊氏欲親討之因廢崇光院降南朝迎帝回鑾帝出賀名生幸男山正平七年二千零十二年尊氏既殺直義歸京師復叛帝與北朝三上皇復幸賀名生尊氏立崇光院弟是為後光嚴院賊將山名時氏足利直冬足利高經等歸順之尊氏與義詮爭於京師互有勝負正平十三年二千零十八年尊氏卒先是尊氏自立光明院凡二十三年任征夷大將軍二十一年實為室町幕府之祖長子義詮承襲征夷大將軍

第九十 長慶帝自二千零二十九年者後村上帝子也至二千零三十三年

細川賴之 北朝足利義滿襲父義詮職為征夷大將軍正平二十四年二千零二十九年細川賴之奉義詮遺命竭力輔義滿用賢黜佞凡積年頽弊之風盡

革政治一新

第九十 後龜山帝 到二千零三十四年者亦後村上帝子也

南北朝混一 先是北朝應安四年二千零一十一年三南朝建德二年後光嚴院禪

位後圓融院後圓融院於永德二年二千零四十二年南朝弘和二年禪位小松院

時北朝氣運日盛南朝氣運日感北朝大內義弘遊說兩間力勸南朝息兵

帝亦厭亂遂主和議因以三種傳國神器授後小松院時南朝元中九年北

朝明德三年也二千零五十二年南北朝分立凡五十七年至是始歸一統

南北朝代文學 亂離之世文學雖衰然猶有二三傑出如太平紀之秀麗

神皇正統紀之雅潔皆一時名下作也增鏡及徒然草亦並出於名人之手

著徒然草者吉田兼好尤工和歌與頓阿淨雲慶雲並稱和歌四大家和歌

自鎌倉末世變為窮愁體格律亦拘泥蓋世風使然也

第十八章 足利氏專權時代自後小松帝至後土御門帝

第一後小松帝二千零五十二年至者後伏見帝五世孫後圓融院子也

室町幕府制度 初尊氏立光明院以一條家之室町第為皇宮既創立幕

府未幾遂任征夷大將軍室町幕府制度均效法鎌倉幕府有王庶政之政

所有掌紀錄及訶訟之問注所有司緝捕警衛之侍所政所有管領其職如
鎌倉幕府之執政自義滿以來畠山斯波細川三氏輪掌此職世稱三管侍
所官長自應仁以後赤松一色京極山名四氏疊膺斯任世稱四職外官則
鎌倉置關東管領以足利氏宗族任之統理關東各政九州置鎮西探題與
州羽州均各置探題諸國置守護及守護代等守護權力絕大可以管領十
餘國

各地民心 南北朝雖歸一統南朝豪族世家猶有未服室町幕府者九州
菊池氏與探題今川貞世抗爭島津大友二氏黨菊池亦為附和義滿因罷
貞世以澀川滿賴代之迨島津大友黨滿賴少貳氏亦黨菊池互相攻擊騷
亂不已關東則自基氏任管領以來其子氏滿及孫滿兼相繼承襲屢代恩
威並用東國人民知有關東管領不知有室町將軍至新田氏族雖屢抗管
領終以力絀勢亦漸弱足利氏家臣以山名氏清大內義弘為最強氏清於
元中八年二千零五年伏誅義弘至應永六年二千零九年據堺浦起兵敗死
義滿之奢侈 義滿性奢侈衣服宮室皆尚華麗應永元年二千零四年讓大

將軍職於子義持營別墅北山居之世稱北山殿其地重樓複閣壁檻戶牖皆飾金玉時人呼為金閣寺義滿奢侈無度國用漸空因與明通商明幣輸入日本者永樂通寶其一也日明通商至稱光帝應永二十六年二千零七十九年

大將軍義持罷之

第一百稱光帝二千零七十三年至二千零八十八年者後小松帝子第一百後花園帝二千零八十九年至二千零九十二年者崇光院曾孫也

關東管領之滅 義持辭大將軍職子義量繼之義量薨無嗣未幾義持亦薨義持弟僧義圓還俗易名義教襲大將軍永享元年二千零八年錄倉管領

為滿兼子持氏持氏庸劣將士不服初義持嗣約以持氏襲職至是義教襲大將軍持氏不平因抗義教執事上杉憲實諫弗聽遂惡之欲舉兵除害得

義教手諭因使上杉持房討持氏持氏自殺關東管領遂滅永享十一年二千零九年義教使山内扇谷兩上杉行管領事永享十二年結城氏朝奉持氏

遺子春王安王舉兵結城小山宇都宮里見桃井等諸將皆輔氏朝山内上杉清方扇谷上杉持朝攻之至嘉吉元年二千零一年城陷執春王安王殺之

嘉吉之亂 大將軍義教性果斷然剛愎自用每多偏袒時赤松則村四世
孫滿祐領守數國威權赫奕義教寵滿祐姪貞村因割滿祐所領地與之滿
祐怒饗義教而殺之奔播摩據白旗城幕府諸將議立義教子義勝為將軍
討滿祐嘉吉元年滿祐伏誅是役也山名持豐為首功因以赤松氏遺地授
山名自是山名復盛

古河公方及堀越御所 義勝既立僅週歲薨其弟義政襲大將軍寶德元

年二千一百零九年義政徇關東諸將請以持氏遺孤成氏為關東管領上杉憲忠

為執事憲忠者憲實子也故管領與執事不能無宿怨後成氏果殺憲忠有

上杉家一味者擁憲忠弟房顯集兵扶幕府義政遂使房顯討成氏房顯為

成氏所破義政再使駿河守護今川範忠討成氏成氏敗奔據古河至康正

元年二千一百一十五年遂稱古河公方時小山結城里見等諸豪所謂關東八將者

黨輔古河公聲勢益振義政亦使澁川義鏡為關東探題率諸將鎮撫關

東既而義鏡等請迎義政弟政知為關東公方以制成氏政知乃定居伊豆

堀越遂稱堀越御所

義政之溺職 當關東亂始京師室町幕府內亂亦並起蓋三管中畠山持國嫡子義就與姓政長爭立又三管中斯波義健嗣子義敏與澁川義廉亦爭立大將軍義政因一已憎愛從中干預兩家繼立不無偏袒故紛擾愈甚義政當此外亂內訌更恣肆豪縱或大興土木或日耽遊宴重征課稅民不聊生百姓相率為盜由是劫掠四起

第一百後土御門帝二千一百二十五年者後花園帝子也
至二千一百六十年

應仁之亂 畠山斯波兩家後嗣爭立大將軍家族同時亦爭立遂釀應仁之亂初義政無子以弟僧義尋為嗣義尋蓄髮易名義視未幾夫人富子生義尚義政富子欲廢義視立義尚然立義視時義視曾辭義政許以日後生有嫡子使為僧不立為嗣且義視之執事為細川勝元統握重權故急切未能下手當時權力與勝元敵者惟山名持豐全富子因結好持豐謀立義尚持豐與勝元有私怨慨諾之遂與腹心輩謀攻勝元應仁元年二千一百一十七年山名黨畠山勝就與細川黨畠山政長大開戰端勝元檄諸國集大兵攻持豐勝元駐兵幕府之東持豐駐兵於西兩相對壘至文明九年二千一百一十七年凡

十一年間大小血戰不絕京師半罹兵燹故宮都會盡成瓦礫遙望平原草木荒蕪是為應仁之亂是役也室町幕府威望漸衰海內亂事日起不復觀承平景象矣

應仁亂事之幕府 應仁亂未定時大將軍義政傳位於子義尚築邸東山

號銀閣寺至文明十五年二千一百四十三年邸宅落成遂家焉義政隱居後杜門謝

客與世不通聞問日以圖書名畫古器供玩好或品茗評香自栽花竹優遊

餘年而已義高聰慧好學勤求政治年二十五薨義視子義材即義藪大將

軍至延德二年二千一百五十年管領細川政元專權廢義植立足利政知次子義

暹即義藪為大將軍義澄義植因互相爭戰義植敗依於周防大內義興

兩上杉氏及北條氏 關東自岨越御所與古河公方並立山内扇谷兩上

杉氏合力屢攻古河公方互有勝敗至文明十年二千一百三十八年成氏與山内顯

定始和好扇谷家當定正代執事為大田資長資長有膽略善用兵威勇早

著故關東將士多屬扇谷家顯定忌之陰用反間定正疑而殺資長自是扇

谷家漸衰資長夙負盛名世所稱大田道灌是也時有伊勢新九郎長氏者

素負大志觀東國形勢兩上杉氏同族爭忌竊自喜會延德三年一千一百一十一年堀越御所政知為子茶茶丸所殺長氏時居駿河遂襲堀越殺茶茶丸築城於韭山居之易名北條翌年以奇計取小田原城命其子氏綱駐守漸謀滅兩上杉氏佔領東國

東山時代文學 東山時代者大將軍義政用事時代也溯足利時代文學最著為謠曲謠曲者按樂譜填合之曲也義滿時有名觀阿彌者參按袁樂田樂等獨創此曲至義政時遂大昌盛時善謠曲者多屬僧侶如僧一體變和歌為連歌僉稱一時盛事僧宗祇及肖柏皆連歌巨擘東山時代最精巧之技為美術工藝如繪事以周文雪舟狩野正信及其子元信等最著名元信畫派世稱古法眼又曰狩野法眼元信之戚光信土佐人為土佐畫宗藤原基光裔故光信得土佐畫派真傳是時雕刻技以後藤祐乘最擅長其餘描金漆器密器製作皆極精巧

第十九章 羣雄割據時代自後柏原帝至正觀町帝

第一百零四代後柏原帝一千一百六十年至一千一百八十六年者後土御門帝子第一百零五代後奈良帝

二千一百八十七年至者後柏原帝子第一百零六代正親町帝二千二百一十八年至二千二百四十六年者後奈良帝子也三朝共歷七十餘年時應仁亂後朝廷及幕府威令不行羣雄競霸各據一方日事干戈生民塗炭

皇室式微 日本自開國以來皇室式微無有甚於是時者後土御門帝崩缺之葬費至六月高賴獻金葬禮始成後柏原帝即位宮中用度久絀至二十年本願寺僧光兼獻金始補行踐祚大禮後奈良帝即位得大内義隆獻金正親町帝即位得毛利元就獻金始行大禮帝每親書宸翰當於民間以充日用殿陛傾頽莫蔽風雨自禁城三條橋眺望可見宮裏燈光

幕府内亂 管領細川政元撫子三人曰澄之曰澄元曰高國澄之澄元爭立家臣遂分二黨自永正四年二千一百六十七年之弑政元自立紛亂愈甚高國殺澄之與澄元互爭近江六月高賴與周防大内義興黨高國輔前大將軍義植阿波三好之良與播磨赤松義村黨澄元輔現任大將軍義澄永正五年高國黨攻澄元於京師破之迎義植為將軍自是兩黨共爭京師澄元黨弱至永正十七年二千一百二十年澄元奔阿波之長亦自殺兩黨始息爭未幾義

植與管領高國有隙高國逐義植迎義澄子義晴為將軍大永元年二千一百八十年

澄元子晴元與三好之長子元長共奉義澄子義維抗高國享祿四年二千一百一十一年

高國戰死於是幕府政權歸晴元既而晴元以疑忌殺元長與義晴一千一百九十年

復和好天文元年二千一百一十二年義晴惡晴元專權欲除之不克義晴遂讓位於

子義輝天文十五年二千一百一十六年晴元為元長子長慶所敗因奉義晴義輝奔

近江義晴薨義輝與長慶復和同回京師晴元出奔幕府政權遂歸長慶天

文二十一年二千一百一十七年長慶家臣松永久秀恃寵跋扈及長慶卒遂代三好

氏握幕府政權弒義輝迎義維子義榮為將軍永祿元年二千一百一十八年義輝弟

僧覺慶奔近江易名義昭流落數年後奔美濃依織田信長

關東形式 兩上杉氏親北條氏勢力日盛因怡同族相爭之非復合力拒

北條氏時古河諸郡成氏子政氏用事政氏子三人曰高基曰義明曰其賴

互相爭立後高基立義明出奔上總佔據小弓北條氏綱乘機四處用兵大

姿掃蕩當大永四年二千一百一十四年攻扇谷朝興於江戶城破之至天文七年二千一百一十八年與足利義明戰於鴻臺斬義明取小弓迨氏綱子氏康立破古河公

方晴氏及山内憲政執晴氏幽之古河公方亡憲政奔越後依長尾景虎時
天文二十一年也一千一百一十二年

武田上杉二氏 甲斐有武田信玄者勇毅有智略天文七年遂其父信虎
自立頻用兵信濃與諏訪立笠原諸族戰皆破之天文十八年一千二百零九年村

上義清與信玄戰義清大敗奔越後依長尾景虎景虎本越後守護為景子
後削髮易姓名為上杉謙信勇而果斷善用兵以父為景曾於加賀越中一

向宗之戰被殺思復父讐及義清來投復讐之念頓止率兵出信濃與武田
信玄爭川中島四郡是時山内憲政為北條氏康所攻亦來投謙信濶之因

並擊氏康故武田上杉二氏屢戰於川中島永祿四年一千二百一十一年信玄謙信
盡舉兩國兵大戰血流成河甲斐軍中信玄負傷武田信繁等陣亡越後軍

死者亦衆是年謙信突率兵九萬從間道兼程進攻氏康於小田原城氏康
知力不敵閉城堅守謙信以師老無功遂還永祿十年一千二百一十七年氏康與信

玄合兵攻謙信於鹿橋未見勝敗翌年謙信與氏康和因以氏康子景虎為
嗣自是武田北條二氏遂生嫌隙至永祿十一年信玄侵今川氏真所屬駿

河氏康大怒與信玄戰蓋氏真妻乃氏康女也

近畿諸豪 近畿諸國羣雄角逐如近江有淺井氏越前有朝倉氏伊勢有

北畠氏皆各據一方者也美濃則齋藤道三逐國主土岐賴藝聲威大振尾

張則守護斯波氏衰而織田氏興天文十七年二千二百零八年織田信長繼父信

秀稱霸其餘參河有德川氏駿河有今川氏今川氏佔據駿河遠河參河各

地大半聲威獨震四境永祿三年二千二百一十年今川義元率大兵攻織田氏信

長聞警截擊義元於桶狹間大破之斬義元自是織田氏聲勢愈赫初德川

氏久為今川氏所窘世子家康為質於今川氏自義元敗殺德川氏漸復振

永祿八年二千二百一十五年信長攻齋藤龍興於稻葉城滅之由尾張徙居稻葉易

名為岐皇龍興者道三孫也信長素有大志據京畿號召四方日謀西上策

會足利義昭來投信長大喜郊迎之時上杉謙信武田信玄及北條氏康諸

雄各據東北勇名震天下信長懼彼輩擣其後因結德川家康為聲援以備

北條武田更厚幣卑辭結好信玄謙信於是率師西上直取京師永祿十一

年二千二百一十八年適大將軍義榮薨松永久秀出降遂奉義昭為大將軍信長修

復二條第居義昭義昭請留健將駐守以備不虞時信長麾下宿將以柴田勝家佐久間信盛二人聲望最著人皆以為駐守二條第者必此二人二人亦自信信長忽擢一微賤之木下秀吉當此重任一軍皆驚信長回岐阜略取諸近國永祿十二年伐伊勢北畠氏出降因以庶子信雄為北畠氏嗣元龜元年二千二百三十年借德川家康兵力攻近江淺井長政越前朝倉義景於姊川皆破之既而信長伐本院寺光佐於攝津淺井朝倉兵乘機進據叡山故攻略近江諸軍皆引還信長遣使諭叡山僧徒使從已僧徒無應者信長大怒焚叡山無論僧徒婦女盡數屠戮時元龜二年也二千二百一十一年當時叡山僧侶不守戒律暴斂資財縱情酒色一旦遭戮人皆快之天正元年二千二百一十二年大將軍義昭忘信長威權思除之事不果義昭被放紀伊足利氏遂亡尊氏自開府室町至是凡十五代歷年二百三十餘是年信長滅淺井朝倉二氏尋復攻本院寺光佐於大坂破之攻松永久秀於信貴城久秀伏誅信長大興土木築城近江安土徙居是間近畿諸國無不望風歸向

中原形勢 大內義興子義隆居周防山口管領十餘國出雲尼子晴久抗

之時安藝吉田城主毛利元就初從晴久後從義隆屢破晴久軍義隆意漸

滿日事驕奢鳩溺遊宴後為家臣陶晴賢所弒天文二十年一千二百一十一年元就

襲晴賢於嚴島誅之尋取周防長門安藝備後元就二子吉川元春小早川

景隆皆有父風智勇兼備之良將也故毛利氏兵力日厚永祿年間更略取

備中出雲威震中原各部元龜二年一千二百一十一年元就卒孫輝元嗣吉川小早

川二叔輔之家聲克振時木下秀吉受信長命經略中原各地出兵播摩陷

數城築城姬路為根據地復四路進兵但馬美作備前諸國望風歸降天正

十年一千二百一十二年秀吉入備中困高松城輝元二叔率大軍與秀吉相持秀吉

欲乘機一舉而滅毛利氏故乞援於信長

信長略東國元龜三年一千二百一十二年武田信玄侵遠江進兵三方原德川家

康力不及退守濱松城信玄攝至困城未幾引兵還甲斐翌年信玄卒子勝

賴嗣勝賴驕滿好兵且屢長坂調閑跡部勝資二倭不用諸將言甲斐軍心

漸渙天正三年一千二百一十五年勝賴侵遠江家康信長合兵截擊勝賴於長篠大

破之武田氏宿將陣亡殆盡勝賴僅生還甲斐至天正九年一千二百一十四年信長

家康合兵伐勝賴勝賴遣諸將分防軍心離貳不戰自潰勝攜親兵四十餘人匿田野山織田氏老將瀧川一益圍山力攻勝賴與妻子俱自殺信長引兵還安土以駿河與家康上野與一益使鎮關東秀吉乞信長援是時也信長最畏惟武田上杉二氏武田氏既亡上杉謙信於天正六年三千二百八十八年伐加賀能登一向宗擬直入京師與信長決戰迨抵能登病歿謙信撫子景虎與孫景勝爭戰景虎敗死景勝立與信長宿將柴田勝家等戰不利北條氏康歿於元龜元年三千二百二十二年子氏政嗣信長代勝賴氏政率兵出境與信長為聲援自是信長無東顧憂

九州四國及奧羽諸豪 時九州所屬諸國豐後有大友氏肥前有龍造寺氏薩摩有島津氏四國所屬諸郡伊豫有河野氏土佐有長曾我部氏至奧羽所屬則有葦名伊達最上南部等諸豪族咸據一方然中原既平無敢與信長爭抗者故天下大勢粗定信長將觀武西方建興霸業

本能寺之變及山崎賤岳兩役 信長得秀吉書大喜使明智光秀池田信輝嵯秀政中川清秀等先發自領衛兵百餘人由安土入京師途次宿本能

寺先是光秀與信長有私怨積久未發及領命將前軍遽歸已所轄地丹波
頓謀弑逆率兵揚言赴備中途中馬首向京師夜襲本能寺信長主從奮力
死戰卒以衆寡不敵信長縱火自殺長子信忠在二條第與光秀巷戰亦力
盡自殺時天正十年六月二日也信長豪邁豁達長於兵略且尊崇皇室凡
宮宇禁苑及積年頽廢之伊勢太廟皆一一修復秀吉得凶報與毛利氏和
馳歸討光秀光秀禦於攝津山崎秀吉卒破之光秀乘夜遁為土兵所殺秀
吉與織田諸將議立信忠遺孤三法師師秀為主秀信齒幼二叔信雄信孝
輔之時秀吉威望甚隆漸凌轡諸將柴田勝家瀧川一益等惡秀吉謀諸信
孝欲除之於是信孝由岐阜勝家由越前一益由伊勢各舉兵秀吉分遣諸
將當勝家一益自率一軍當岐阜勝家姪佐久閑盛政素饒勇斬秀吉將中
川清秀於賤岳秀吉聞耗急馳赴美濃伐盛政大破之是役也福島正則加
藤清正加藤嘉明片桐且元等揮槍破敵縱橫馳驟勇不可當後人因稱賤
岳七鐵槍秀吉北逐直入越前誅勝家班軍回岐阜攻信孝信孝自殺一益
降天正十一年四十二年秀吉築城於大坂居之

小牧之戰 織田氏家臣志從秀吉獨信雄忌之因乞援於德川家康欲除秀吉家康念信長舊好率兵助信雄陳師尾張小牧山秀吉與家康對壘陰使池田信輝襲家康故國三河家康遣兵躡其後大破信輝於長湫秀吉戰不利引兵還大坂與信雄和天正十二年二千二百四十四年至十四年秀吉家康亦和小牧一役實開家康武功先聲

平定四國 天正十三年秀吉使弟秀長姪秀次伐長曾我部元親於四國是時元親兼併四國勢綏昌熾及秀吉兵至望風出降是年秀吉自率兵入越中攻佐佐成政成政降復與越後上杉景勝訂盟北陸遂定

豐太閤 是年秀吉以戰功授職關白敏從一位尋授太政大臣賜姓豐世稱豐太閤

耶教傳入 先是天文十二年葡萄牙國人乘海舶抵種子島鎗礮始傳於日本西人至日本自此始後葡萄牙西班牙兩國人屢到九州土人以其由南方來呼為南蠻不知有歐洲諸國也歐人多奉耶穌教耶教傳入日本亦在是時

第二十章 豐氏專權時代後陽成帝朝

第一百零七代後陽成帝二千二百四十七年至者正親町帝孫誠仁親王子也

平定九州 天正十二年二千二百四十四年島津義久自破龍造寺隆信大友義統

等威震九州秀吉因率兵二十萬攻之水陸並進抵九州分兵拔諸城前鋒軍十萬偃旗息鼓直薄犇犇及慶島義久與弟義弘削髮出降秀吉赦之使守薩隅二國九州遂平

秀吉率諸侯盟於聚樂 天正十三年秀吉相地山城内野築重城至十五

年功竣備極華麗因名聚樂城翌年帝率百官行幸聚樂秀吉率諸侯敵血盟使共尊皇室

平定關東 關東北條氏政晚歲隱居傳位於子氏直秀吉屢遣使勸氏直

朝氏直亦屢約入覲終以不甘屈事秀吉不果秀吉怒天正十八年二千二百五十二年率兵二十餘萬征關東德川家康織田信雄皆隨軍氏直遣將分防皆失

守秀吉長驅直入困小田原城城堅兵銳疊攻不下小早川隆景獻計使將士築兵舍屯軍糧優悠費日以待城中糧盡果出降秀吉命氏政自殺放氏

直於高野山北條氏亡秀吉以關東八州與家康建都武藏江戶同時
伊達政宗亦降獻會津仙道等地秀吉以其地封蒲生氏鄉使居松前管領
蝦夷地蠣崎氏亦歸順於是天下諸侯賓服莫不來朝

征討朝鮮 秀吉既平定海內欲拓版圖收韓明為屬國於是觀武外邦假

道朝鮮以伐明朝鮮國王拒之秀吉怒因先討朝鮮而後伐明文錄元明二

二百五十二年設大營於肥前名護屋秀吉自領統帥以德川家康前田利家上杉

景勝伊達政宗等為副將宇喜多秀家為總督石田三成增田長盛大谷吉

隆為參謀遣加藤清正小西行長為前鋒領宿將黑田長政島津義弘福島

正則立花宗茂小早川隆景細川忠興九鬼嘉隆加藤嘉明等率水陸大兵

二十餘萬伐朝鮮舳艫千里旌旗蔽海乘風直渡朝鮮上下驚惶無措日軍

到處鋒刃不交如入無人之境朝鮮國王李必出奔日軍擒清正二王子既

而取平壤入明界李必在義州聞事急乞援於明是時明當季世政治不修

國亦多故因遣遼東副總兵祖承訓救朝鮮行長邀擊之大破明軍聞報

大恐先向日軍乞和議緩戰事乘隙再舉行長與明使沈維敬正議和明遣

東總督李如松突率兵五萬入朝鮮行長截擊於平壤明兵敗走舍平壤入漢城日軍亦集漢城如松兵至碧蹕館隆景宗茂等夾擊之日軍大捷漢城諸將與明兵相持數月時朝鮮兵四方蜂起日軍漸失利會沈惟敬力勸如松和日軍參謀亦主和議於是兩國息戰行長與惟敬訂約各遣兵還慶長元年二千二百五十六年明正使揚方亨副使沈惟敬至伏見謁秀吉呈國書書中有封汝為日本國王等語秀吉怒曰我日本乃自主帝國吾奉命征討四夷豈受小醜封王耶鼠輩何自大乃爾毀國書刻日興師再發朝鮮慶長二年以浮田秀家為總督節制加藤小西藤堂立花等諸將率兵十三萬直抵漢城朝鮮國王李昫復出奔明兵援朝鮮屢為日軍挫敗就中以蔚山之戰為最劇至慶長三年八月秀吉薨家康受遺命召還諸將罷征韓之役

秀吉政績 秀吉平定諸藩後使檢吏清量田地檢吏善承意旨嚴正從事故積年私產隱蔽之患一時頓絕當時量地法以三百步為一段今仍制租法以所獲穀米納三分之一於官所謂官二民一之制又整頓圓法鑄貨幣以利民如天正大小判及天正通寶等時開採金銀諸礦甚多民皆稱便秀

吉出身微賤秀吉微時為司履役司履者賓入去履登以武功平定天下尊
天子懷諸侯究心政治風流儒雅有文士風世以管樂比之

關原之役 關白豐秀吉臨薨遺命以德川家康前田利家浮田秀家毛利

輝元上杉景勝為五大老輔其子秀賴以淺野長政增田長盛石田三成前

田玄以長束正家為五奉行會同五大老參議國事時秀賴年八歲與生母

淀君居大坂城家康居伏見素有大志欲代豐氏握天下權三成與家康積

不相能自秀吉薨觀家康聲望日隆思除之與上杉景勝謀擬起東西兵擊

家康時景勝守會津日講武備不禮家康慶長五年二十二年家康東向伐

景勝三成乘虛說西部諸侯舉兵攻伏見城家康聞變留長子秀康禦景勝

自率諸將西返至美濃西兵據城不出家康揚言攻大坂西軍乃出戰陳師

關原西兵凡十二萬餘浮田秀家小行西長島津義弘等背伊吹山為陣小

早川秀秋屯松尾山長束正家毛利元秀屯南宮山東兵凡七萬五千餘人

進薄關原前鋒福島正則迎擊秀家兩軍正接西軍中有通東軍者小早川

秀秋奮勇酣戰後隊奔潰吉隆戰死三成及行長敗走被弒自是豐氏威望

漸替天下諸侯咸歸附德川氏矣

第二十一章 第五期間風俗及士氣

風俗 是期之末民間服式多短衣袍僅掩膝凡直垂及素襖等服漸廢素襖之制去其長袖吏民以為禮服貴婦衣尚華美然僅披外套不似古制以重衣疊裾為貴婦女外出均戴巾笠垂髮妝猶存而結髻漸行於世唐輪髻實肇是時

士氣 士人尚武為日本數千年來風氣自鎌倉開幕府以後士氣愈尚忠勇況羣雄割據時代日事干戈凡一國一城之主一成一旅之師全賴武功以開霸業故武田上杉北條諸子皆以武節勵將士當時士氣以馬革裹屍為崇尚廉隅戒貪慾重然諾惡虛偽是以民多任俠尚武之風無逾於是者

第六期 江戸幕府創立及其滅亡

第二十二章 德川氏專權時代初期自後水尾帝至靈元帝

第一百零八代 後水尾帝二十二年二百七十九年至者後陽成帝子也

大坂之役 秀吉夫人淀君居大坂觀關東日強盛患之寵臣大野治長復

德惠使滅德川氏因收集亡命待舉事家康亦欲俟機滅大坂慶長十九年
二千二百勸秀賴重修方廣寺會工竣鑄巨鐘銘有國家安康等字家康
七十四年勸秀賴重修方廣寺會工竣鑄巨鐘銘有國家安康等字家康
以為誦已怨秀賴秀賴使老臣片桐且元赴駿河慰之表無別志家康終不
擇且語多跋扈故激秀賴母子是年十月秀賴舉兵討家康家康秀忠亦率
諸侯攻豐氏大坂城堅為日本名城之首且守將真田信村後藤基次等防
護甚力久攻不下家康以師老無功勸秀賴和各撤兵去是為大坂冬戰之
役翌年元和元年三月秀賴復舉兵家康秀忠率兵西上擊大坂兵於和泉
河內大破之進薄大坂城城兵悉數拒戰力竭城陷秀賴母子俱自殺時五
月事是大坂夏戰之役自是役後海內無事不復用兵故稱為元和偃武之

世

江戶幕府制度 家康自天正十八年二十二年領關東八州地徙居江戶

城至慶長八年二十二年任征夷大將軍是為江戶幕府之始在任二年讓

職 子秀忠隱居駿河自是德川氏世襲大將軍職以江戶都城江戶幕府

當創立時制度未備大將軍以下有六老綜理政務置老中數名佐之老中

以下有若干年寄司理旗本及宗人事務此外有寺社奉行勘定奉行町奉行及大目付目付等官皆幕府之重職也設所司代於京師攝理朝政守護及京畿民政設城代於大坂控制關西其餘奈良堺長崎及一切要地均置奉行

封建之制 藩侯分二流曰譜代曰外樣譜代皆德川氏舊臣食祿萬石以上者萬石以下曰旗本外樣者非舊臣自關原一役後服從德川氏者也凡幕府諸要職均舉譜代任之外樣不與焉此等制度實欲使親藩抑制外藩外藩中復分親疏兩派使與親藩相牽制親藩中尾張紀伊水戶稱為三家越前稱為家門

元和功令 凡藉武功握政權之幕府常懼諸侯匡合政歸朝廷家康自大坂一役立禁中方御條目七章明定朝廷權限使天下政權悉歸幕府又定武家法度十三條使諸侯朝覲禮節有所遵守禁諸侯添築城郭私結婚姻凡此新律曰元和功令蓋欲抑朝廷而弱諸侯也

大將軍德川家康薨 家康既破大坂翌年薨於駿河年七十五家康沉毅

精明度量莫測臨事善決有堅忍不拔之概復得本多正信等謀臣為輔故終成大業初葬久能山後僧天海稱遺命改葬日光山追贈東照大權

外交 琉球古隸薩摩島津氏藩屬秀吉征韓時徵其兵餉琉球人怨遂不

用島津氏命慶長十四年二千二百六十九年島津家久奉家康命征服之家康自秀

吉薨後與朝鮮通和好復欲與明修聘問明弗納兩國商民互自通商時荷

蘭臥亞阿媽暹邏占城交趾呂宋等國皆來貿易至第三代大將軍德川家

光禁民與外國通商惟荷蘭及中國商人仍許長崎貿易伊達政宗遣支倉

六右衛門出使羅馬又暹邏內亂山田長政曾助其國主立大功皆慶長年

間事至寬永代家光當國濱田彌兵衛兄弟赴臺灣責荷蘭人暴虐罰賠款

而歸

秀忠退職 元和九年二千二百一十三年秀忠退職長子家光承襲大將軍秀忠謹

直能守先制家光豪邁能馭諸侯且定朝覲禮節執臣道甚恭故江戶幕府

基礎獨固

第一百九代明正帝二千二百九十年至二千三百零九年者後水尾帝女也母為德川秀忠女

島原之役 耶穌教自天文年間由九州傳入奉其教者始自豐後大友氏

未幾流傳漸廣教徒復建禮拜堂於京師秀吉禁之後家康亦禁民入教士

民多有陽奉陰違者至家光遂嚴申禁令寬永十四年二千二百九十七年小西行長

遣臣森宗意及千束善石衛門等推益田時貞為首領煽動島原耶穌教徒

為亂家光遣板倉重昌督九州諸藩兵討之賊兵善戰守官兵失利家光更

遣松平信綱率師夾攻官兵與賊血戰親冒矢石攻城愈急城陷官兵縱火

焚殺時貞宗意等悉伏誅特寬永十五年二月也自是家光益惡耶教禁令

愈嚴凡拘獲類似教徒及形迹可疑者置耶穌像於地使踐之弗踐者死號

踐像功令時稱耶教為切支丹宗門

第一百十一代後光明帝二千三百零四年至二千三百一十四年者後水尾帝子也帝英明好學尤好

獎勵武功幕府敬畏之以痘疾崩春秋僅二十有二

大將軍德川家光薨 慶安四年一千六百一十三年家光薨子家綱承襲大將軍以

家光弟保科正之及井伊直孝松平信綱阿部忠秋酒井忠勝等諸遺老輔

政

慶安之亂 先是幕府嚴懲浪士浪士者叛匪也凡跡涉疑似者皆處以重刑寬文年間所戮山鹿素行即其一慶安四年浪士由井正雪丸橋忠彌等煽動同類謀滅幕府正雪擬據久能山忠彌擬縱火焚江戸為東西相應計事洩幕府捕其黨磔忠彌於市正雪自殺

第一百後西院帝二千三百十五年至二百三十三年者後水尾帝子第一百靈元帝二千三百四十七年者亦後水尾帝子也

大將軍德川家綱薨 延寶八年二千三百四十年家綱薨遺命以弟館林城主綱

吉承襲大將軍家綱為政時河村瑞賢奉幕府命興海運由奧羽運糧未於

江戸鑿安治河以洩大坂水患明曆三年二千三百一十七年江戸大火城市悉被燬

幕府乘勢大改備道江戸永代橋兩國橋大新橋建於是時又引多摩川水

供江戸飲濯用並仙臺之亂皆在家綱為政時家綱晚年荒怠政治時人譏

為下馬將軍故酒井忠清乘間紊亂

德川時代初期學術 藤原惺高主程朱學德川家康重其學問後用其門

人林道春掌文教石川丈山亦惺高弟子工詩歌近江名儒中江藤樹主王

日本史綱 卷下 十六 江楚編譯局編

陽明學德行粹然其門人熊澤蕃山專主實用學為備前少將池田光政所信用故設施最多土佐有南村梅軒其門人野中兼山長經濟治績閱富京師伊藤仁齋獨倡古學山崎闇齋究心神道各成一家畫家有狩野探幽中沼惺惺翁二子若岩佐又兵衛又獨開浮世繪一派松永貞吉擅連歌黃檗山萬福寺寺祖隱元尤工書法

第二十三章 德川氏專權時代中期自中山帝至後桃園帝

第一百十三代 東山帝二千三百四十八年至者靈元帝子也

綱吉政績 綱吉初襲職即除酒井直清時越後高田藩主松平光長因家亂綱吉為之判斷頗持平時人服其明又修歷代陵寢興廢典建學校美績頗多惟晚年漸倦聽政擢近臣柳澤保明即松平吉保為上卿寵遇無比保明攬權擅作威福怨聲沸騰綱吉性侈用度無節府庫空虛因改鑄輕幣甚多以補缺乏此等劣幣流毒海內元字金寶字金此類是也尤怪者晚年思育子崇釋教禁殺生蓄長生犬十餘萬頭殺犬者罪論抵

元祿時代尚好 往昔去戰爭之世不遠民風好武尚質樸重然諾多任俠

義氣元祿時代去大坂之役七十餘年久。歷承平質樸之風。漸失俗尚。奢華
喜美服。耽遊宴。如淨琉璃梨園技之一。歌舞技等盛行於世。淨琉璃起於足利氏
末代。歌舞技興於慶長年間。由出雲諸郡來者。元祿為東山帝御宇。年號綱
吉。為政半在是時。

元祿時代文學技藝 綱吉好學。設講堂。自講經史。集諸侯討論。建孔廟於

湯島廟傍。建昌平醫學舍。優待儒者。崇尚士流。時有水戶藩侯德川光圀性

豪邁。具卓識。素重名。分大義。聘朱舜水明季人以明祚覆乞兵於日本遂流寓水戶。粟山潛峰三

宅觀瀾諸儒。修國史。又編纂國文典故。及一切經世有用之書。是時鴻儒蔚

起。如漢學家有物徂徠伊藤東涯室鳩巢貝原益軒等。和學家和學即日本文。有下

河邊長流僧契冲北村季吟荷田東滿等。算學家有倭井算哲關孝和說苑

家有井原西鶴八文字屋自笑等。悉一時知名士。至松尾桃青以俳諧著近

松巢林以院本作者著。又若尾形光琳英一蝶菱川師宣宮川長春等。其技

各別皆當時名畫師也。

義士討仇 元祿十四年。六十一。年。播州赤穂城主淺野長矩刺高家吉良

義央於殿廷義央被傷長矩論罪褫職賜死長矩遺臣大石良雄與同志四十餘人密謀翌年十二月襲殺義央於邸舍旋向幕府自首幕府定讞後翌年二月命良雄等四十餘人自盡世稱為義士討仇討仇之風盛於江戶幕府時代先是寬文十一年二千三百一十一年伊賀越之討仇及十二年市谷淨琉璃坂之討仇皆死事之卓卓也

第一百中御門帝二千三百七十年至二千三百九十五年者東山帝子第一百櫻町帝二千三百四十四年至二千三百七十九年者中御門帝子也

家宣政績 先是寶永六年二千三百一十九年綱吉薨無嗣家宣承襲大將軍家宣者綱吉兄綱重之子也聰慧博學勤宣政事薨襲職後盡改前代奢尚擢名臣

新井白石掌國政白石於內政外交折衝禦侮多中機宜家宣在職僅四年薨子家繼嗣前者正德二年二千三百一十二年家宣思改前代圓法弊政未果中道

薨至家繼奉遺命改鑄貨幣家繼幼在藩邸任事閱歷頗深故洞悉民間疾苦克繩先志

吉宗政績 享保元年二千三百三十六年家繼薨無嗣吉宗由紀伊入承大將軍職

吉宗為紀伊藩祖賴宣之孫家康曾孫也豪邁有度量減服御卑宮室節省諸費幕府財政一時充裕又通水利關田野興種植遍栽甘蔗以製糖省刑罰置巡按吏以察民冤抑有町奉行町奉行大岡越前守忠相者循吏也令司聽訟時江戶富庶人煙稠密時摩大灾每有延燒數十里者吉宗患之命民間屋舍改易軌石建構設救火丁以禦大灾吉宗素尚天文學建天文臺測風雨氣候並譯歷算諸書校四時節令西歷算法之入日本以此始又講武事凡追鳥狩及水泳等名目皆競盛一時

第一百六代桃園帝二千四百零八年至者櫻町帝子第一百十七代後櫻町帝二千四百三十九年者櫻町帝女第一百十八代後桃園帝二千四百三十九年者桃園帝子也

家重家治兩將軍 大將軍吉宗於櫻町帝朝廷享二年二千四百零五年辭職子家重承襲大將軍家重於寶曆十年二千四百二十年辭職子家治承襲大將軍三卿 吉宗欲使德川氏門戶繁盛歲給其子宗武宗尹各俸米十萬石居宗武於田安門居宗尹於一橋門家重亦居其子重好於清水門三家制度

如一時號三卿

勤王議 自幕府創立閱年既久世知有幕府大將軍不知有朝廷使士竹
内式部屬京師慨皇室式微常激勵廷臣以尊王為義務廷臣於是有講習
武事者幕府深嫉惡之削權大納言館藤原光胤及藤原公城以下十餘人
官爵囚幽室逐式部出京師時寶曆八年一千四百一十八年事甲府俠士山縣大貳
及劍客藤井石門等亦憤幕府專橫屢發激論幕府執二人強加罪名殺之
式部與右門有感誼禍竟株連被流信濃至明和四年一千四百一十七年朝野漸有
興勤王議者

田沼亂政 家重寵近臣田沼意次位埒諸侯參預政權至家治時意次列
列老中館其子意知位列若年寄館自是父子專權紊亂朝政

第二十四章 德川氏專權時代末期自光格帝至孝明帝

第一百九十九代光格帝二千四百四十年至二千四百七十七年者東山帝曾孫典仁親王子也

田沼當國天下大饑 天明三年一千四百三十四年寒暑氣候反常五穀不登米價

騰貴人心惶惶天明四年佐野政言惡田沼意知專權誤國刺殺意知於殿

廷田沼父子之姦敗露褫意次職天明六年家治薨吉宗曾孫家齊承襲大將軍奉家治遺命削意次爵是歲天下淫雨關東尤甚江戶積潦幾成澤國翌年大饑亂民蜂起米商富戶多被擄掠

定信政績 天明七年幕府擢白河城主松平定信為老中定信為宗武子賢名素著及任老中明賞罰辨邪正以勤儉勗僚屬勵精圖治就職未久雨暘調和人心大悅定信為政尤以力挽頹風為宗旨凡獎文學修武備政法律皆按切時勢布置故世稱寬政郵治寬政者天明以後年號也時諸藩多賢如米澤藩主上杉治憲熊本藩主細川重賢政聲其尤著者

寬政時代學藝 昌平黌本貴族學校非世胄不能入校肄業自定信當國改易制度無論貴賤均許入黌聘名儒柴野栗山尾藤二洲古賀精里為掌教幕府教育宗旨向主程朱之學不奉諸子百家雜說自寬政和學漸興先是南加茂真淵荷田氏究心和學自成一家立論精卓博搜羣言素為世重其門人本居宣長學蘭尤勝師傳有青出於藍之譽以致風氣流行和學國語一時大盛後有平田篤胤宗宣長之學參以大成抑儒釋兩教獨崇日本

神道教理故神道大興與篤胤同時者有香川景樹以和歌著名西學入日本自吉宗時始時醫學天文學物理學諸書繙譯最多西學家有桂川國瑞前野良澤等說苑家有太田南畝石川六樹園小說家有山東京傳曲亭馬琴至若博聞強記以漢學名世有賴襄襄山陽人工古文多撰述著山陽外史尤膾炙人口世稱山陽先生又稱東海昌黎其文雄厚達勃以才力勝同時有伊能忠敬工地輿學曾探量日本全國海岸深淺

寬政三奇士：三奇士者林子平蒲生君平及高山彦九郎也子平講邊防君平講關墾山林財利彦九郎慨皇室式微以匡扶天下為己任三子志不同而愛國則一卒以憂國亡身不克竟志乃歿

邊警 自第三代大將軍家光禁外交以來除清國荷蘭兩國高舶外餘各國船艦不許入日本口岸此例歷百數十年遞至寬政年間外國船舶漸有遊弋海面寬政五年二十三年俄船載流民至蝦夷求通有無文化元年二十四年復至長崎求通商幕府拒之又文化四年俄船二艘抵樺太侵樺捉島未幾遂至五年英船至長崎擄掠居民財產於是邦人憤外人強暴力講

海防幕府向松前氏取回蝦夷自守疊派近藤守重間宮倫宗等巡察蝦夷
樺太即在是時

第一百仁孝帝二千四百七十八年者光格帝子也

天保改革 先是文化九年二千四百七十二年老中松平定信罷以水野越前守忠
邦代之忠邦力挽頹風修武備禁奢靡收沒民間華麗貴服嚴禁桑濮淫風
頗繼定信志惜用人少當且近苛烈民咸怨之世稱水越天保改革

大鹽平八郎死事 天保七年二千四百四十六年天下大饑近畿諸境尤甚大坂遊
俠大鹽平八郎請開二條城倉庫以賑饑民城代館及町奉行館等弗聽平
八即大怒率其黨五百餘縱火焚逼廳署欲劫倉庫以蘇民窘不克死之時

天保八年事也是歲大將軍家齊辭職子家慶承襲

復諡號 天保十二二千四百五十二年上先帝徽諡為光格皇帝自宇多帝以來久廢徽諡
至是復興

外交 初幕府以外洋船舶入我海口究於國體無甚關礙故文政八年二千
四百八十五年暫許洋艦入港當時不諳外情者陰誚幕府無謀頗招物議幕府不

得已收回功令凡洋艦入港禁民供米糧薪炭及食水同時水戶藩侯德川齊昭擢用戶田忠敬藤田彪等大改藩政又倡攘夷議毀國內各銅佛像及寺鐘改鑄大礮訓練士卒嚴整武備松代藩侯真田幸貫亦使家臣佐久間象山研究西洋製礮術諸藩先後各鑄巨礮如佐賀鍋島齊正薩摩津島齊彬各賢侯或鑄鎗礮或造戰艦以備不虞天保十四年二千五百零三年老中水野忠邦罷以阿部正弘代之弘化三年二千五百零六年美國船二艘至賀浦求通商幕府以兩國通商有違祖宗成法堅執以謝美商

第一代 孝明帝二千五百零七年至二千五百零六年者仁孝帝子也英明天縱在位時外交內治諸事多艱每憤幕府失政憂勞致疾

美艦來朝 嘉永六年二千五百一十三年六月亞美利加洲合衆國水師提督裴爾利率兵艦四艘來浦賀呈遞國書求通商幕府使浦賀奉行款待之裴爾利得答書約以翌年復至時太平久文酣武嬉上下不知兵事突見外邦巨艦闖入朝野驚疑以為戰爭在即故浦賀江戶兩地人心惶惶殊形紛擾既而俄國使臣蒲察成亦率兵艦四艘來長崎請劃分北境各畛並求通商幕府

遣吏接待俄使遂去翌年安政元年裴爾利果至浦賀敦促立約幕府不得已與立通好條約以下田箱館兩港為美艦停泊地允購糧食薪炭與美艦是我國與外邦訂立條約之始未幾英俄法荷蘭四國亦援例索立通好和約皆許之是歲諸郡地震大坂及下田海潮為災人情惶恐翌年安政二年十月江戶地震災民死者二十餘萬藤田東湖等皆遭壓斃

通商條約 安政三年美國使臣哈禮司至下田求立通商條約且請謁大將軍是時攘夷之議始熾京師士夫持議尤衆幕府亦畏輿論殊難決斷哈禮司與幕府辨論通商排外之利害往返陳說幾閱二載安政四年老中阿部正弘卒堀田正睦代之正睦注重外交知通商不可拒安政五年引哈禮司至江戶謁幕府與美國訂立通商條約大致草備正睦齋約京師請用御寶朝廷拒之正睦不得已空返江戶先是嘉永六年大將軍家慶薨子家定襲職家定昏庸失政且無嗣幕府諸臣議擇賢代多屬意於一橋慶喜慶喜者齊昭第七子也幕府親族嫉慶喜賢明陰排擠之是時大老為井伊直弼力排天下人望捨慶喜而立紀伊慶福不待勅詔遽與各國定條約以長崎

兵庫橫濱新瀉箱館五處為通商口岸時安政五年事也於是人情鼓譟物議沸騰莫不歸罪直弼斥為巨姦是歲家定薨慶福立即十四代時將軍家茂是也

戊午之獄及櫻田之變 直弼力抑攘夷派氣鼓殺安島帶力鵜飼幸吉橋本左內賴三樹三郎吉田寅次郎茅根伊豫之助等逐德川齊昭德川慶恕松平慶永等勒令土佐藩侯山內豐信宇和島藩侯伊達宗城致仕褫近衛忠愼鷹司輔愼三條實萬等職時安政五年二千五百一十八年歲在戊午是為戊午之獄自為傷時志士愈為憤激至翌年萬延元年三月三日水戶俠士大關和七郎佐野竹之介及薩摩俠士有村治左衛門等十七人覘直弼登城刺諸櫻田門外是為櫻田之變

皇室幕府之聯絡及加改行幸 幕府權力日衰攘夷黨焰日熾幕府擬連絡皇室藉制攘夷黨奏請帝妹和宮主下嫁大將軍帝許之和宮主於文久元年二千五百二十一年十一月歸江戶攘夷黨以幕府此舉為姦策愈嫉之翌年正月老中安藤信正被刺坂下負重傷是時江戶近境諸暴徒憤幕府不行攘

夷計遂遷怒於外邦常刺殺外人以洩忿甚至糾集黨羽數十人夜攻英國使署薩摩島津久光倡皇幕合體議朝廷許之文久二年十月朝命大原重德與久光同赴江戶宣布密旨幕府奉詔大申黜陟命一橋慶喜代大將軍事以松平康永為總裁會津藩侯松平容保為京都守護凡井伊直弼所用諸人盡罷於是重德及久光歸京師不虞京師攘夷黨愈增憤激暴徒橫行共稱奉天命誅姦侮辱官吏時事猝變而長州藩侯毛利慶親又以攘夷黨領袖自居公卿百官多有附和挾制朝廷者故政事又為之一變廷臣日促幕府決行攘夷計文久二年十一月朝命三條實美赴江戶宣布攘夷詔幕府諉稱大將軍如上洛未歸始緩其議翌年三月家茂入京師是月帝幸加茂及駕歸擬幸男山禱於八幡宮賜家茂上方劍行攘夷事家茂稱疾辭不奉詔

馬關礮擊及慶島戰事 先是文久二年島津久光及大原重德兩使臣歸京道經生麥村有英人數輩逐其前騷衛兵怒斬一英人餘亦受創於是英使向幕府及薩藩理論索賠卹文久三年五月幕府賠卹款十萬磅而薩藩

膜視之英使率兵艦至慶島面爭同時美國商船至長門馬關貿易適遇攘夷之議方熾長州礮臺貿然發礮擊之未幾英法荷蘭諸船亦遭礮擊四國使臣同向幕府詰責幕府大窘後補償三百萬金為卹款英艦於是歲七月至慶島攻破該境礮臺薩藩不得已亦償賠款諸事始平

七卿西走 京師攘夷黨日盛廷臣請上督師征夷下詔將啟行中川宮朝彦親王近衛忠愨力請中止使會津薩摩及諸藩兵守宮禁撤長州藩所派堺御門近衛禔三條實美以下公卿七人職七卿與長州藩士西走於是京師時事又一變時文久三年八月十八日也攘夷黨欲洩憤激漸次暴動藤本鐵石舉兵於五條平野國臣等佔據生野未幾皆敗走先是家茂六月十三日東歸翌年正月再巡上洛朝廷獎敘從一位

征伐長州 長州藩侯陽言擁戴朝廷陰欲握近衛兵權控制京師福原國思益田三家老家老率兵將入京薩摩會津等諸藩士聞警嚴守宮禁益田福原等進逼蛤御門守兵力拒敗走於是朝命幕府伐長州時元治元年一千五百二十四年七月事也幕府以德川慶勝為總督令諸侯會合舉兵大張撻伐慶

勝至廣島長州藩斬三家老以謝乃引兵還

筑波山之役 水戶士夫有天狗諸生二派天狗派主攘夷諸生派主佐幕時水戶藩政權隸諸生派故天狗派恒不得志旋天狗派稱奉齊昭遺命實行攘夷主義據守筑波山推武田耕雲齋為首領藤田小田郎及田丸稻之衛門為參謀幕府雖遣將聯合諸生派及近境諸藩會攻而屢戰屢北天下始知幕府兵不足恃既耕雲齋棄筑波入京師途次力盡降加州藩侯侯執誅之時元治元年也

再伐長州 幕府諸臣及會津藩僉以慶勝征長州之役輕引兵還過於寬縱因議再伐長州嚴加懲創以杜後患慶應元年二千五百五月家茂率兵至大坂時長州藩士夫有稱正義派者黨羽頗盛黨自有高杉晉作等乘勢舉兵擬堅壁清野與幕府兵戰幕府因藉兵力壓制削長州藩爵收其封土勒令慶親父子退居不得干預國事藩士不懌截擊幕府兵於近境大破之既而家茂染病薨於大坂慶應二年幕府遂罷征長之役自是幕府威令日削不可復振是年德川慶喜承襲大將軍翌年慶喜歸政朝廷德川幕府亡

第二十五章 第六期間風俗 附諸侯驕從體制

風俗 是期之初去亂世未遠民仍質樸俱衣棉麻迨歷年既久奢侈漸興冠裳多製綢絹衣袖尚長改古昔短袖之制男子禮服有直垂素襖長上下等名目平常禮服有長上下半上下之分女子鬢髻亦分各樣散髮之制不多見男子年二十薙去頂中半髮名曰元服

諸侯驕從體制 是期諸侯驕從體制特異往古凡諸侯自本國至江戶覲見幕府驕從人數大國數千人小國數百人遊行江戶城市亦以藩士百人隨從其前驕排列劍戟戈矛隊伍整肅藩主乘駿馬前後左右皆帶甲士護衛前導者執清道旗揚言喝道以辟途人居民無敢譁囂大將軍出外驕從所過家家閉戶不得外窺故將軍過處雖肩摩轂擊之區都為寂寞蕭條之境時稱將軍出遊曰御成

第七期 明治維新至近代

第二十六章 明治中興

第一百二十二代 今上皇帝二千五百孝明帝子也先帝慶應二年十二月崩上踐

祚時御年十六明治元年八月舉親政大典

明治新政 江戸幕府權勢漸弱土佐藩侯山内容堂觀時事日棘乘機上

書幕府力勸歸政朝廷幕府諸臣衆論蠢起大將軍慶喜夙具才智識力過

人知天下大勢非變革不可力排衆議獨納容堂諫書奏請歸政上褒許之

時慶應三年二千五百二十七年十月十五也自家康開幕府於江戸歷十五代凡二

百五十六年是年十二月朝廷復三條實美以下衆公卿及毛利慶親父子

官爵許入京師裁攝政關白議奏守護所司代等缺改置總裁議定參與三

職以熾仁親王為總裁嘉彰親王以下七人為議定大原重德西鄉隆盛大

久保利通木戸孝允後藤象次郎等為參與凡公侯大夫藩士皆許預朝政

溯自源賴朝開幕府於鎗倉天下政權出自幕府殆七百年自政權復歸朝

廷翌年改元明治世稱為王政復古又曰御一新

伏見鳥羽之役 幕府譜代諸藩素不願政歸朝廷薩摩長門二藩亦不以

歸政為是慶喜當國時本有會祭二藩兵守禁城薩長二藩兵護宮闕各兵

互存畛域積不相能動輒肇禍慶喜患之因去京師徙居大坂會津藩侯松

平容保暨桑名藩侯松平定敬力言薩長二藩專恣勸慶喜討之慶喜亦以別故惡薩藩遂撤各路兵致討將入京師會桑二藩兵當前鋒薩長二藩兵截擊於伏見鳥羽大破之朝廷命嘉彰親王為征討大將軍督師往勸慶喜聞王師至與容保定敬等附流船遁歸江戶時明治元年正月也朝命禩慶喜以下各官職更命熾仁親王為東征大總督西鄉隆盛為參謀直搗江戶慶喜應江戶東叡山遣勝安芳乞恕死罪朝議定慶喜罪減死一等幽於水戶收江戶城尋以田安家達繼慶喜職領駿河遠江及陸奧地食祿七十萬石稱為靜岡藩

平定關東與羽 時德川氏舊臣各竄四方共謀不軌朝廷置大總督守江戶以資鎮撫近藤勇據甲州勝沼彰儀隊敗兵據東叡山大烏圭助福田道直等舉兵於總野屢挫官軍先是松平容保據本籍若松城仙臺米澤諸藩與與羽諸藩聯合舉兵會彰儀隊敗兵及圭介等來降軍聲大振官軍參謀黑田清隆山縣有朋由越後口進伊地知正治板垣退助由白河口進合兵轉戰各地白河口兵隊先困若松城越後口軍隊繼至晝夜夾攻城兵不支

遂出降白虎隊敗兵皆自殺未幾先臺莊內盛岡諸藩亦降奧羽削平時明治元年九月也是年十二月分奧羽為七國

五稜廓之役 奧羽之亂榎本鎌次郎等與賊為聲援舊幕府向有兵艦泊品川灣榎本率諸艦直指東北謀舉事會奧羽平折赴蝦夷據箱館及五稜廓侵畧四境上書朝廷乞賜蝦夷地明治二年三月朝廷遣官軍討之血戰無數終逼五稜廓鎌次郎等出降蝦夷平八月分蝦夷為十一國改曰北海道

封贈諸臣 明治二年大定封嘉彰親王以下從征將士三百三十九人三條實美以下中興功臣三十二人賞各有差建昭忠祠於江戶九段坂祀殉難諸臣翌年改昭忠祠為靖國神社復大友帝淡露廢帝九條廢帝徽謚賜蒲生君平高山彦九郎子孫俸祿賜楠本正成新田義貞織田信長諡號晉加茂真淵本居宣長等官爵其餘南朝功臣北畠顯家名和長年菊池武時等及維新以前歿於王事之德川齊昭島津齊彬俱賜祀名宦

五誓命 明治元年上半年王公百官祀天壇禮成上願五誓示天下一開國

會君民僉議國政上下交孚二上下一心共存愛國三官民合力咸圖自強
四破除積習銳志維新五廣求學識開通民智

遷都東京 明治元年七遷都江戶十月改江戶為東京

廢藩屬為府縣 幕府雖歸政朝廷繳還領地而諸藩仍領有土地人民明治元年四月折全國地方為八府二十一縣共分二百七十六藩每府縣置知事總理各政悉以舊藩承其乏時識者議存諸藩政令不一於是薩摩長門土佐肥前四藩倡率引退奏還土地於朝餘藩亦相繼陳請二年六月降旨依議撤藩封改諸侯為知事以舊封食祿十分之一為郵俸是時藩封雖撤藩主仍為知事管轄舊壤人民咸奉藩主不奉朝廷蓋數千年古制相沿一時未能破其積習維新諸政動多窒碍木戶孝允大久保利通等憂之與薩摩長門土佐三強藩協議首倡廢藩屬四年七月朝議廢藩屬為府縣裁知事缺尋廢舊制各府縣全國改為三府七十二縣封建之制至是悉改為郡縣未改者惟北海道北海道守官初置開拓使後置道廳

改國治 朝廷自變法以來銳意維新然百事待舉國用奇絀因思變通籌

欵先定國法以金圓為本位銀銅圓為搭附零數照值印造鈔票向民間借
易金銀是為國債此項鈔票限自明治元年起用至十三年止期滿持票到
部收換金圓金銀銅圓嚴定由部專鑄別地不得分鑄凡私造鈔票國寶者
處以死刑鈔票初行民間弗信價值頗低後晚然無弊漸與金銀同用

改國課 幕府時代各藩政治互異課稅未能一律自撤藩改縣政府制定
地券法凡有田地僅可自由購賣所獲田租多寡按地照算註明契內政府
於租項內每百分徵收三分作為國課此例初行東京後行全國歷十年改
為每百分徵收二分五日本國課向祇納取地租自維新後照歐美稅法增
收酒稅菸稅妓稅契券印花稅餘非民生必需之品無不收稅

改兵制 日本兵制操練均依古法軍械悉用戈矛弓箭自維新改制明治
三年十月始定陸軍照德法兩國式海軍照英國式翌年征薩摩長門土佐
三藩兵萬餘為近衛兵又募各府縣兵置鎮臺於石卷小倉以資鎮守朝廷
鑒於歷代重文輕武之弊特改兵制效法西歐君主自領統兵大元帥次置
參謀監軍等職總統軍務並定制徵兵全國官民無論貴賤貧富兩丁抽一

均遞兵籍中古以來兵權皆出將門至是士農工商貴冑鉅公均當入伍幾全國皆兵矣

改刑律 舊幕府刑法分拷杖及籍放逐死刑四等死刑中文分火刑磔刑

梟首肢解四種最為殘酷明治元年減設死流徒答四刑惟大逆不道者梟

首餘死罪絞而已大磔肢解等刑悉廢三年再訂新律凡官吏貴冑陰死刑

外許罰鍰抵贖六年刑部大臣江藤新平參仿各國法律重訂刑章廢梟首

凡死罪一律擬絞至十三年復修刑律凡反叛謀殺故殺拐賣或買賣人口

偽造鈔票竇搶劫等皆置死次謀殺威逼致死賭博減死一等

興教育 幕府末代西學漸興嘉永年間村上英俊設私塾於江戶教授法

文慶應年間福澤諭吉設義塾教授英文是為邦人倡興西學之始朝廷自

遷都東京以舊幕府蕃書調所即開成所為學堂專收俊秀教授普通西學明治

二年改昌平黌為大學堂改開成學校為大學南校舊醫學所為大學東校

均歸大學堂統屬聘各國名儒為各堂教習派各地高等中學畢業生分赴

各國留習科學四年置文部大臣統理全國學務另設師範學堂專課師範

生諸生畢業派充小學教員

改服色 明治二年廢卿士藩主等稱藩裔稱華族皇室稱皇族大夫武將裔稱士族凡下九流等稱俱廢一律稱平民四年下翦髮令君民易西國服色有不願易服者聽惟官民一律翦髮全國設巡警兵以衛閭閻五年改正朔以舊歷為太陰歷西歷為太陽歷以每星期為休息日休息日官署學堂皆放假六年詔解入耶教禁令許僧尼茹葷嫁娶

增設庶政 明治七年詔築全國鐵路設勸工場鼓勵工商設自來水便拖注而拜火患廣設報館以達民情築全國馬路以通車騎

頑固黨騷動 日本數千年來閉關自守向不知地球有文明國制度自幕府歸政後民智未開朝野仍有固執排外之見多倖蠢陋頑民粹難教化者如明治元年傷殺法國人十四名及刺殺橫井平四郎即是等暴徒迨朝廷銳行新政時頑固諸臣始則撓阻繼煽動朋黨藉端挾制自明治二年至四年頑固諸臣迭思騷動高崎藩主及山梨縣主民糾眾拒捐高松藩主及備前農民請復封建附和土匪乘機煽亂播摩高知紳戶與平民爭鬪暴時起請

復舊制美作讚岐土民抗捐徵兵雲井龍雄奏還舊京廢新政羣情洶洶當軸幸識力堅定不為少動上復震怒遣師鎮勦四路救平

外交 上自親政勵精圖治尤注友邦外交明治元年特設辦理各國事務部派東久世通禧會各國使臣於兵庫縣宣明大政朝廷自主凡舊幕府與各國所立條約朝廷依行俾各友邦永敦和睦時我藩幕東北適構兵禍剛至平靖各國悉守中立主義幕府初與訂約之國惟英美俄法荷蘭至維新後我政府復與瑞典西班牙奧大利及其餘諸國增訂條約明治四年朝命巖倉具視為頭等正使木戶孝允大久保利通伊藤博文山口尚芳為副使出使歐美諸邦考察政治並擬與各國改換新約緣幕府頑固諸臣不諳外交所立舊約妨礙我國政權是時我國初行新政富強未致外侮未平改約之舉未能如願嗣外務大臣井上馨及大隈重信亦屢與各國爭改條約卒無成議兩大臣由是罷職我國上下卧薪嘗膽力求自強至明治二十五年我政府與各國力爭特命外務大臣陸奧宗光與各國盡改條約收回主權征韓計議 明治元年朝廷以幕府歸政故遣使宣報朝鮮且通聘問修舊

好朝鮮拒我國書傲不為禮我政府擬更遣詰責無禮猶昔將征之廷臣中西鄉隆盛副島種臣板垣退助江藤新平等均題其說獨大隈重信大木喬任等意以為否既出洋考查各國政治大臣巖倉具視等自歐洲歸奏稱當今急務在修內政而後外政若本根未固遽興征伐臣等未見其可故罷征韓之議隆盛等以計不行棄官去近衛隊諸將亦以是多托病行者羣情洶洶時明治六年十月事也八年八月我軍艦在朝鮮江華灣被礮擊於是復議征韓朝命黑田清隆井上馨赴朝鮮詰責朝鮮政府具國書道歉旋定和約還

平民議院 明治七年正月廷臣副島種臣後藤象次郎板垣退助江藤新平等擬仿歐美政治設立平民議院一切政事許百姓參議示大公而祛私弊加藤弘之謂平民議院固當設立然我國數千年來閉關自守民智未開此舉尚早須俟民智稍開始可設立若操切過急反滋流弊一時廷臣爭辯議者紛起

佐賀之亂 刑部大臣江藤新年以征韓議不果行辭職去翌年正月回佐

賀本籍糾集同志謀舉事先是佐賀頑固黨謀復封建泥古黨從而附和是年二月兩黨暴徒蠢動襲小野高會劫掠貨財朝命熊本鎮臺撫之尋命內務部大臣大久保利通鎮撫時佐賀士族島義勇奉職命曉諭羣衆約赴佐賀合泥古黨江藤黨襲攻縣廳於是朝命嘉彰親王為統帥陸軍中將山縣有朋海軍少將伊東祐磨為參軍率師往討統帥未至賊為軍破新平奔土佐義勇奔鹿島悉捕獲伏誅

臺灣之役 明治四年十一月琉球難民五十餘人遭風漂至臺灣為生番所殺六年三月小田縣民亦漂至臺灣被土人劫掠時我國駐清公使副島種臣詢清國政府臺灣是否為彼屬地清政府答以臺灣非隸伊國版圖七年四月我政府遂決征臺灣遣陸軍中將西鄉從道陸軍少將谷干城等率兵三千六百餘人往勸生番中以牡丹社番最悍我兵襲擊斬其首長於長諸番與牡丹社番相率出降至是清政府變易前說改認臺灣為彼國屬地朝命大久保利通為頭等全權專使赴清國辦理開議各條清政府依違兩可久不能決我專使因代判斷由清國賠我軍費銀五十萬圓撤兵遂還

千島易樺太 樺太島初為我屬地俄人商旅時至後逆據為已有樺太疆域本遼瀾自嘉永六年後舊幕府官吏屢與俄爭劃地界均未得結明治三年我政府浼美國調處願以北緯五十度為界彼此劃定基址俄人弗答翌次力爭悉無成議明治八年始以千島中十八島予俄易樺太歸我

神風連黨及菽之亂 熊本有神風連黨羽翼頗眾此輩皆冥頑不化以泥古為宗旨仇視親政明治九年十月二十四日是黨乘夜揭竿襲擊熊本鎮臺殺傷將校兵士且攻統帥種田政明及縣令安國良亮等邸舍良亮負傷政明死之翌日鎮臺兵破賊其黨或死或遁事稍平是月舊秋月藩士宮崎車之助等約會神風連餘黨起兵為官軍所破舊山口藩士前原一誠亦約會匪黨與平謙輔等起兵於菽官軍大破之一誠東遁未幾捕獲餘黨悉滅

西南之役 西鄉隆盛以征韓之議不行憤而去官隱居本籍慶島與同志桐野利秋篠原國幹等私設學堂教育英俊利秋國幹等素嫉政府行事政府亦視隆盛等如敵國後漸移慶島軍械局於大坂是局本陸軍部所設也

復奪其私學生徒時適謠傳政府將使人刺隆盛於是利秋國幹等擁隆盛欲清君側由虜島舉兵將西上時明治十年二月也朝旨削隆盛以下諸職命熾仁親王為統兵總督山縣有朋川村純義為參謀率師討賊隆盛等進攻熊本鎮臺統帥谷干城率師嚴守隆盛留勁旅當鎮臺兵分軍進攻筑後既而官軍入九州由肥後筑後交界之南關分進高瀨山鹿兩境薩摩兵據守田原坂吉次越及山鹿各險隘力拒官軍官軍血戰經兩旬餘破賊賊退植木守木寨為負嵎計官兵不得進時筑前豐前諸士族亦亂兵蜂起隆盛與為聲援官兵擊敗之先是朝命柳原前光及陸軍中將黑田清隆赴虜島傳諭島津久光聯合破賊既而清隆拜參軍由長崎至八代登陸出宇土圍熊本城擣攻後路熊本城危旦夕將破陸軍少將奧保鞏城率眾降與清隆合乘勢破敵入城高瀨口官軍亦拔植木寨川村純義由海道入虜島薩兵根據地喪勢漸衰賊蹤出沒於豐後日向官軍併力攻勦窮追隆盛等圍日向愛嶽隆盛突圍出奔虜島據城山官軍合諸路兵會擊隆利秋等皆自殺時九月二十四日也時朝廷仿歐美制度定寶星品級獎勵功臣十月大軍

凱旋贈熾仁親王頭等寶星次功臣各贈寶星有差先是西南未靖木戶孝
允獲京師翌年五月大久保利通為刺客島田一郎等所刺西鄉木戶大久
保昏中興名臣世稱維新三傑相繼淪逝朝野惜之八月有近衛兵二百餘
人以從軍西南未邀封賞因殺統兵官由竹橋營譁潰後捕其黨五十人置
諸法是為竹橋之變

小笠原島並琉球 小笠原島初由小笠原貞賴於文祿二年二千二百五十二年

探得其地因以探者姓氏名島八代將軍吉宗時使小笠原貞任往開墾後
幕府棄之英美兩國人遂多移居是地明治九年政府遣外務官吏赴島巡
勘尋置官駐守英國屢與爭論終以是地為我藩屬英亦不能不認十二年
我政府改置島司統轄全島琉球自慶長年間經島津家久撻伐後恪事島
津氏甚恭陽猶臣事清國奉其正朔自維新後明治五年我朝封琉球王尚
奉為琉球藩王並列華秩八月停奉清國正朔十二月朝旨廢琉球藩夷琉
球為冲繩縣令尚奉徙居京師清國是故與我政府爭論會美國大總統格
蘭德遊東亞代為調停歧議始息

民權主義盛行 自設立平民議院之論興自由民權之說愈盛始由高知縣屬板垣退助林有造等派創立志社專講自由民權明治十一年四月舊設愛國社明治七年設復興社員不辭勞瘁四方勸導力言自強在民權蓋痛心疾首數千年專制政體之殃民誤國也十三年岡山縣諸志士知國政弊在上下壅閉上書政府請倣歐美政治開國會以連上下之情使朝野同心公決國是福岡縣及各志士紛紛上書力言國會議院之益當軸無題其言者後改愛國社為國會期成同盟社於是講民權者昌熾幾於衆口一辭或有談專制政體者輒以神姦巨蠹目之餘若各志士咸集京師設社演說即各報館亦主辦論專制立憲之利害政府是以特設報律為定各報權限並設演說條例藉明禁約惟萬衆同心大勢不可遏抑致滋騷擾十四年十月初旨下定明治二十三年改立憲政體設國會議院君民共議國政是年戶部大臣大隈重信罷官河野敏謙等互結改進黨主進益主義先是板垣退助等亦結自由黨主急革主義福地源一郎丸山作樂等又結立憲黨主和衷共濟主義朝野黨派攸分宗旨各別改進自由兩黨傷時憤世立論激切十

五年河野廣中愛澤崑堅等謀傾政府赤井某等陰刺大僚十七年富永橫山某等謀舉事於加波山均謀敗伏誅

朝鮮之變 明治十五年朝鮮國內亂暴徒乘燬使者殺駐韓官吏數十人我使臣花房義實及隨員等逃至仁川附英國船歸長崎朝命陸軍少將高島鞏之助海軍少將仁體景範護送義實至朝鮮義實謁韓王要索賠償恤歎自是我派兵駐朝鮮保護使署十七年朝鮮內亂復起開化黨金玉均朴泳孝等殺立憲黨大臣閔泳翊逼王宮韓王手詔乞援我使臣使臣竹添進一郎率兵至王宮靖難暴徒及清國兵會擊我軍我師以衆寡不敵陸軍大尉磯林直三等三十餘人死之我使臣遁使署亦燬翌年正月朝命井上馨為全權專使赴朝鮮詰責朝鮮政府懲罪魁輸賠款向我道歉是役與清國既有關涉我政府遣伊藤博文為全權專使赴清國會大臣李鴻章於天津彼此協議共撤兩國駐韓之兵後日清兩國有事派兵至韓須彼此互通報是為天津條約

改官制 自明治元年以來歷改官制參酌古代官制稍事變更如統理國

政有太政部置太政大臣左右兩大臣參議等司之太政部以下有內務部外務部戶部陸軍部海軍部刑部學部每部置卿輔等分理庶政十八年十二月朝旨大改官制廢太政部等稱歐美立憲國官制設內閣宮內部內務部外務部海軍部陸軍部戶部刑部學部農商部驛務部改太政大臣為內閣總理大臣統全國政務改各部卿輔等稱每部置大臣以下置次官除宮內部大臣以外各部大臣均歸總理大臣節制二十一年置樞密院以品學兼優精通各國政治者為樞密顧問官備上垂問

立憲法及設國會 明治三年設集議院召集府藩縣各華族會議國政八年設元老院開地方官會議十二年設府縣會及區町村會召各紳民公議政務是為立憲之基礎十四年詔開國會派伊藤博文等赴歐美考查立憲制度二十二年二月十一日頒行日本帝國憲法及附屬各法昭告天下定君民共主之權翌年十一月開國會

日清之戰 明治二十七年朝鮮東學黨亂起彼國兵力單薄不能守禦權臣閔泳駿乞援清國使臣袁世凱清國乃發兵至朝鮮屯於牙山我政府以

保護駐韓商民使陸軍少將大島義昌率混成旅團入朝鮮東學黨衆本島合觀日清兩國兵至匿不敢出然此輩兵至則散兵退則聚我政府照會清廷擬日清兩國合力脅助朝鮮改良庶政以保東方太平清國不納我政府遂決意獨力保護朝鮮命使臣大島圭介勸導韓廷時韓政府有黨派欲奉大院君為政乞圭介助力於是圭介派兵隊護大院君入宮韓兵阻止我兵破之遂入宮是時清國整備戰師由海陸軍兩道派兵入朝鮮七月二十五日清艦三艘在豐島衝突發砲攻我兵艦我艦還擊七獲兵艦操江號歸二十九日大島義昌受韓政府托攻拔牙山清將葉志超敗走平壤八月初一日發宣戰詔第五師團長野津道貫奉命發平壤平壤宿稱險隘清國精兵悉屯是間九月十五日道貫三面圍攻僅一晝夜而平壤陷敵將左寶貴戰死葉志超遁九月十七日清國北洋水師提督丁汝昌引定遠鎮遠諸兵艦至黃海突遇我聯合艦隊我海軍提督伊東祐亨率松島艦以下十餘艦擊之敵艦擊沉者四時際黃昏餘艦逃逸先是今上駐蹕廣島督師親勵將士軍聲大振簡陸軍大將山縣有朋為第一軍統帥率第三師團長桂木郎入

朝鮮節制野津道貫後有朋以病歸十月第一軍入清界拔九連城鳳凰城十二月拔海城第二軍統帥陸軍大將大山巖於十月率第一師團長山地元治等由遼東半島花園口登陸拔全州城進攻旅順礮臺陷之二十八年正月大山巖史率第二師團長佐久間左馬太及第六師團長黑木為楨由山東省濰城灣登陸進攻威海衛礮臺又陷之敵人殘兵退守劉公島北洋殘艦亦匿避威海衛不出我艦隊率水雷艇擊沉敵艦數艘丁汝昌力盡乞降我軍許之收其餘艦汝昌自殺清國水師遂全數覆沒於是我第一軍進取牛莊第二軍山地元治率兵略營口兩軍會合陷田莊臺遼東半島全歸我有是役也熾仁親王為參謀總長隨蹕御營贊襄軍務不幸以積勞病薨朝命彰仁親王代之拜征清大總督赴全州定旅順同時陸軍大佐比志島義輝率別働隊南渡占據澎湖列島

馬關條約 清國至是不得已命北洋大臣李鴻章為全權大臣議和會我全權大臣伊藤博文及陸奧宗光於馬關議由清國允認朝鮮為自主國割遼東半島臺灣全境澎湖列島歸我版圖償我軍費金二百兆圓許新開清

國各港為我通商口岸迨條約畫押之日俄德法三國以忠告勸我政府謂
遼東半島歸我恐有碍東亞和平大局我政府從其請還遼東半島於清國
於是和約遂定是役今上駐蹕廣島督師宵旰勤勞聖駕親巡各營勉勵諸
將與士卒同甘苦皇后亦手製絹帛分賜軍中負傷將士纏未瘡痍

臺灣土匪 和約既定臺灣歸我版圖我政府置總督鎮守派樺山資紀補
是缺臺民有不用命者清政府不能制我政府遣近衛師團及第二師團征
之清官劉永福唐景崧等煽動愚民抗違政府一時土匪蜂起勞師屢征復
以炎蒸夏令疫癘流行士卒傷亡頗衆近衛師團長能久親王亦罹是厄後
劉永福敗走土匪漸平全臺遂定

日本史綱

卷一

三十三

丙丁

日本史綱終

2